

DISTRICT OF MEIRIONNYDD



IS-DDEDDFAU TRAETH

IS-DDEDDFAU TRAETH

Is-ddeddfau a wnaed gan Gyngor Dosbarth Meirionnydd yn rhinwedd
y pwerau a roddwyd i'r Cyngor o dan Adran 82 o
Ddeddf Diwygio Deddfau Iechyd Cyhoeddus 1907

1. Trwy'r is-ddeddfau hyn, mae'r term 'y Cyngor' yn golygu Cyngor Dosbarth Meirionnydd.
2. CABANAU, PEBYLL, AYB
Lle y mae unrhyw ran o'r Traeth, trwy fod â rhybuddion wedi eu gosod mewn mannau amlwg ar y Traeth, wedi ei neilltuo gan y Cyngor ar gyfer codi neu osod cabanau, pebyll, siediau, byrddau a stondinau (un ai'n sefydlog neu'n symudol), neu gerbydau ar gyfer gwerthu neu arddangos unrhyw nwydd neu beth, neu unrhyw sioeau, arddangosfeydd, siglenni, "ceffylau bach" neu gyfodweithiau eraill, faniau neu gerbydau eraill, un ai wedi eu tynnu neu eu gyrru gan anifieliaid, bersonau neu unrhyw bwer mecanyddol o'r mathau a enwir yn y rhybuddion, ni wnaiff unrhyw berson sefydlu, osod neu barhau unrhyw gyfodwaith neu gerbyd wedi eu henwi ar unrhyw ran arall o'r Traeth.
3. PERFFORMIADAU, AYB
Lle y mae unrhyw ran o'r Traeth, trwy fod â rhybuddion wedi eu gosod mewn mannau amlwg ar y Traeth, wedi ei neilltuo gan y Cyngor ar gyfer traddodi darlithoedd, pregethau, areithiau neu berfformiadau cerddorol, neu ar gyfer cynnal adloniant o'r math a enwir yn y rhybuddion:
(1) Ni chaiff unrhyw berson draddodi unrhyw ddarlith, pregeth neu

araith na pherfformio unrhyw gerddoriaeth neu gynnal unrhyw adloniant o'r mathau a enwir, fel bo'r achos, ar unrhyw ran arall o'r Traeth.

- (2) Ni chaiff unrhyw berson ddefnyddio na cheisio defnyddio unrhyw ran mewn modd ag i ymyrryd â neu rwystro unrhyw berson sy'n ei ddefnyddio eisioes ar gyfer unrhyw bwrpas y mae wedi ei neilltuo ar ei gyfer.

4. CHWARAEON

Lle y mae unrhyw ran o'r Traeth, trwy fod â rhybuddion wedi eu gosod mewn mannau amlwg ar y Traeth, wedi ei neilltuo gan y Cyngor ar gyfer chwarae gemau o'r mathau (gan gynnwys y defnydd arbennig o unrhyw le gan y chwaraewyr yn unig) a enwir yn y rhybuddion.

- (1) Ni chaiff unrhyw berson chwarae unrhyw gemau a enwir yn y rhybuddion ar unrhyw ran arall o'r Traeth.
- (2) Ni chaiff unrhyw berson ddefnyddio na cheisio defnyddio unrhyw ran fel ag i ymyrryd â neu achosi blinder i unrhyw berson sy'n defnyddio'r rhan honno eisioes ar gyfer unrhyw bwrpas y mae wedi ei neilltuo ar ei gyfer.

5. GWERTHU A PHEDLERA

Lle y mae unrhyw ran o'r Traeth, trwy fod â rhybuddion wedi eu gosod mewn mannau amlwg ar y Traeth, wedi ei neilltuo gan y Cyngor ar gyfer gwerthu a phedlera nwyddau, defnyddiau neu bethau, neu ddosbarthiadau o'r rhain, fel a enwir yn y rhybuddion, ni chaiff unrhyw berson gynnig i'w werthu na phedlera'r rhain ar unrhyw ran arall o'r Traeth.

6. CARDOTA, TOWTIO, AYB

Ni chaiff unrhyw berson, ar y Traeth, beri blinder neu fod yn rhwystr

i unrhyw berson sy'n defnyddio'r Traeth trwy gardota neu erfyn eIusen, neu i'r pwrpas o werthu neu hysbysebu unrhyw nwydd, neu i'r pwrpas o gael cwsmeriaeth, dwtio neu erfyn yn daer, un ai ar lafar neu trwy ddosbarthu hysbyslenni, cylchlythyrau neu hysbysebion.

Ar yr amod na fydd yn is-ddeddf hon yn gymwys ar gyfer unrhyw hel arian neu werthu unrhyw nwydd yn unol ag unrhyw Reolau a wnaed o dan Adran 5 o Ddeddf Heddlu, Ffatrioedd, ayb (Darpariaethau Amrywiol) 1916, ar hyn o bryd mewn grym yn Nosbarth Meirionnydd.

7. **MARCHOGAETH A GYRRU**

Ni chaiff unrhyw berson, ar y Traeth, ddofi unrhyw geffyl neu anifail arall na marchogaeth na gyrru unrhyw geffyl neu anifail arall mewn ras neu mewn unrhyw weithgaredd arall fel ag i achosi perygl neu flinder i unrhyw berson sy'n defnyddio'r Traeth.

8. **RHWYSTRO SWYDDOGION, AYB YN FWRIADOL RHAG CYFLAWNI**

EU DYLETSWYDDAU

Ni chaiff unrhyw berson, ar y Traeth, rwystro neu ymyrryd yn fwriadol ag unrhyw Swyddog o'r Cyngor rhag iawn gyflawni unrhyw waith yn gysylltiedig â gwella, cynnal a chadw neu reoli'r Traeth.

9. **GYRRU CERBYDAU MODUR**

Ni chaiff unrhyw berson, ar y Traeth, wthio neu yrru unrhyw gerbyd modur neu feic modur i'r perygl o unrhyw berson yn defnyddio'r Traeth.

10. Ni chaiff unrhyw berson, trwy weithredu neu achosi neu ganiatáu i

gael ei weithredu, unrhyw set radio, gramoffôn, chwyddleisydd, recordydd tâp neu offeryn tebyg neu unrhyw offeryn cerddorol, wneud, achosi neu ganiatáu i gael ei wneud unrhyw swn sydd mor uchel neu mor barhaol neu undonog fel ag i roi achos rhesymol dros beri blinder i bobl eraill ar y Traeth.

11. Ni chaiff unrhyw berson gymryd rhan mewn unrhyw gêm neu weithgaredd arall ar y Traeth fel ag i achosi'n fwriadol berygl neu i roi achos rhesymol dros beri blinder i unrhyw berson arall ar y Traeth.

12. COSB

Bydd pob person a wnaiff droseddu yn erbyn unrhyw un o'r is-ddeddfau uchod yn agored ar gollfarn ddiannod i ddirwy heb fod yn fwy na Chan Punt.

13. AMDDIFFYN HAWLIAU'R GORON A HAWLIAU ERAILL

Ni fydd dim a gynhwyswyd yn yr is-ddeddfau uchod yn cael ei gyfrif nac yn gweithredu fel rhodd, gan neu ar ran, y Goron fel perchennog y blaendraeth islaw marc penllanw, o unrhyw stâd neu ddiddordeb yn, neu hawl dros y blaendrath hwnnw neu unrhyw ran ohono, ac ni fydd dim a gynhwyswyd yn, neu a wnaed o dan unrhyw un o ddarpariaethau'r is-ddeddfau uchod mewn unrhyw fodd yn rhagfarnu neu'n effeithio'n andwyol ar hawliau a diddordebau'r Goron yn y blaendraeth, nac yn rhwystro ymarfer unrhyw hawliau cyhoeddus arno, nac yn rhagfarnu neu'n effeithio'n andwyol ar unrhyw hawl, gallu neu fraint y mae gan Awdurdod Dwr Cymru neu unrhyw berson hawl gyfreithiol iddynt yn, dros ac mewn perthynas â'r Traeth.

14. **DIDDYMU'R IS-DDEDDFAU**


Diddymir trwy hyn pob is-ddeddf sy'n bodoli ar hyn o bryd ar gyfer rheoli'r Traethau a wnaed o dan Adran 82 o Ddeddf Diwygio, Deddfau Iechyd Cyhoeddus 1907, cyn belled ag eu bod mewn grym yn Nosbarth Meirionnydd.

Cyflwynwyd o dan Sêl Gyffredin Cyngor Dosbarth Meirionnydd ar y diwrnod Cyntaf o Fai, Mil Naw Cant Wyth-deg-a-Chwech.

Gosodwyd SÊL GYFFREDIN CYNGOR)

DOSBARTH MEIRIONNYDD ar hwn,)

ym mhresenoldeb :)



Arwyddwyd : R.G. Middleton
(Cadeirydd)

Arwyddwyd : D.E.F. Williams
(Prif Swyddog Cyfreithiol)

NODER : Cadarnhawyd y ffurf Saesneg yn unig o'r Is-ddeddfau hyn gan yr Ysgrifennydd Gwladol. Cyfieithiad yw'r ffurf Gymraeg a ychwanegwyd er hwylustod y cyhoedd.

Cadarnheir trwy hyn yr is-ddeddfau uchod gan yr Ysgrifennydd Gwladol i
ddod i rym ar yr Ail-ar-Bymtheg o fis Gorffennaf, Mil Naw Cant
Wyth-deg-ag-Wyth.

Arwyddwyd drwy awdurdod yr Ysgrifennydd Gwladol

Arwyddwyd : Q.J. Thomas
Is-Ysgrifennydd Gwladol Cynorthwyol

17 Mehefin 1988

Swyddfa Gartref

Llundain. SW1.

Arwyddwyd : J.R. Fells
Ysgrifennydd Cynorthwyol o'r
Adran Fasnach

23 Mehefin 1988.

Mae'r copi printiedig hwn o'r is-ddeddf yn wir gopi o'r is-ddeddf a
gadarnhawyd.